



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Breviario Concionatorio, Strenæ, Fidelis Prophetissa Concionibus de B. M. Virgine serviens, Conciones Occurrentes & Funebres

Tylkowski, Wojciech

Oliva, 1686

In festo S. Michaelis Archangeli.

[urn:nbn:de:hbz:466:1-51821](https://nbn-resolving.org/urn:nbn:de:hbz:466:1-51821)

gentibus tribis, & vocabitur sanctum. Mense septimo, id est, in Septembri nata est B. Virgo, Festum Neomeniæ fuit vel ob legem datam per Moysen, vel in memoriam Isaac immolandi, & per Arietem liberati utrumquæ B. Virgini convenit, in illa nascitur Legislator Christus, ille liberavit occidendum Isaac, genus humanum. Est piscina in qua ignis abscondus, postquam è Dalmatia translata S. Domus Lauretana in Italiam, ut scribit Turfellin. l. i. c. 7. Petrus à Sylva Eremita, per decem annos continuos sexto Idus sept. quartâ vigiliâ noctis semper videbat flammam in illa domo, quæ in cœlum postea abibat & petiit à DEO id sibi explicari, atque didicit hoc fieri in honorem festi hodierni; iidem ignes etiam ad nostra tempora quibusdam comparant, & in nostram devotionem descendunt.

De Sanctis Angelis.

Nullus ita salutem nostram desiderat ut Angeli, sicut nullus ita desiderat civitatem suam reparari ut cives illius, Bern. in vigilia Nativ. ferm. 2. *Puratis quantum desiderant cives cœli civitatis, suæ restaurari ruinas, quomodo solliciti sunt ut veniant lapides viri, ut coadificentur eis quomodo medii discurrant inter nos & DEUM?* Quia quod ex illis cum Lucifero decidit, per nos est complendum. Propterea Hebr. 1. *Omnes sunt administratorii spiritus, ut nobis serviant, & nos ad salutem deducant, nos ubique consequuntur.* Unde Bern. ferm. 12. in Pf. *Qui habitat, nos monet. In quovis diversorio, in quovis angulo, Angelo tuo reverentiam habe, tu ne audeas illo presente, quod me spectante non audeas.* Illi circa nos decreta DEI exequentur. Greg. hom. 38. *In hominibus omne iudicium per Angelos exercet.* Illi actus nostros inspicunt, & si non viderint inter nos concordiam, ut ait Bern. ferm. 1. pro S. Michaële. *Dicunt Sancti illi & beati spiritus, ubi scandala*

scandala invenerint & dissensiones, quid nobis & generationi huic spiritum non habenti? Hic jam ex eodem Bern. ibid. dicemus cur in festo SS. Angelorum legatur Evangelium de scandalo. *Videbis quam congruat huic solennitati Evangelica lectio, quæ sic deterret nos à scandalo parvulorum, quandoquidem tam vehementer displicent Angelis scandala.* Quia vero ex omni Angelorum choro corrui aliquis, & novem sunt chori juxta illud Greg. hom. 34. *Angelus non ad similitudinem DEI factus, sed signaculum similitudinis ejus dicitur Ezech. 38. ut quò in eo subtilior est natura eò in illo imago DEI similis insinuetur expressa, quo in loco mox subditur, omnis lapis preciosus operimentum tuum, sardius, topazius & jaspis, &c. Ecce novem dixit nomina lapidum, quia profecto novem sunt ordines Angelorum.* Sic etiam singulæ suam civitatis partem restaurari quærunt, & restauramus illam pro diversitate nostrorum meritum dum alii capimus locum inter Angelos, alii inter Archangelos, &c. Hinc quia pœnitentes locum Angelorum occupant, *gaudium est Angelis in celo super uno pœnitente.* Sed omnibus quidem assistunt Angeli, ab aliquibus tamen absterrentur, Basil. in Pl. 33. *Omni in Christum credenti Angelus assistit, nisi nos illum ob nostra peccata absterreamus; velut enim fumus opes fugat, & fœtor columbas absterret: sic Angelum vitæ nostræ custodem, tenebrosam faculentumque peccatum.* Ambr. lib. de Virginibus, Cant. 7. *Mille Salomoni & ducenti, qui servant fructum ejus, &c. Sexaginta potentes. Crevit numerus ubi crevit fructus, quia quo sanctior quisque eo munitior, sic Eliseus propheta exercitus Angelorum sibi præsidio adesse monstravit, sic JESUS nãve Ducem militiæ cœlestis agnovit, &c. Ubi ostendit S. Doctõr quòd sanctioribus viri plures aut nobiliores Angeli assistant, & de Virginibus ait, *Vobis Virgines Sanctæ speciale præsidium est, quæ incemerato pudore sacrum Domini servatis cubile.* Alludit ad lectulum Salomonis, &c. Neque mirum si pro vobis Angeli militant, quæ Angelorum moribus militatis.*

Sed id firmemus ampliùs, quòd bonis plures Angeli assistant. Jacob Patriarcha tot Angelos sibi obvios habuit, ut dixerit. *Castra DEI hæc sunt, quod ipsum est Pf. 33. Castra metabitur Angelus Domini in circuitu timentium eum.* Et de Angelis ferm. 29. in Cant. explicat Bern. castrorum Choros in Sunamitide. Cum Abbas Moyses graviter affligeretur tentationibus, ostendit illi ad solatium ex loco edito Abbas Isidorus exercitus Angelorum, suppetias ferentium servis DEI, quia per quos magis sperant civitatem restaurandam iis majorem curam impendunt & ad hoc Angeli superiores mittant inferiores, & ipsi orant pro nobis & preces nostras offerunt, S. Anton. Magni epist. 2. *Verè nati mei, hæc nostra humiliatio, in peccata dejectio, Angelis tristitia est, sicut iterum salus & gloriatio nostra latificationem eis ac requiem omnibus præbet, sed etiam pro quovis orant.* Origen. l. 8. contra Celsum. *Hominibus bonæ voluntatis precantibus ultro se adjungunt Angelorum exercitus millia, & intercedunt pro mortali nostro genere.* Et hoc specialiter faciunt cum missæ interfumus, in qua apud Græcos mos erat ut totus populus laudes DEO acclamaret, ut patet ex Chrysof. hom. 3. de incomprehensibili DEI natura. *Tempore illo sacrificii non solum homines clamorem illum horribilem reddunt, sed etiam Angeli DEO genuflectunt, sic Angelitunc pro ramis oleagnis corpus Domini, prætendentes, rogant pro genere humano.*

Oremus omnes SS. Angelos ut docet Ambr. lib. de viduis. *Obsecrandi sunt Angeli qui nobis in præsidium dati sunt.* Sed specialiter S. Michaël quia ut Viegas in Apoc. 12. cuius etiam est sententiæ Serarius in Josue 5. q. 45. pag. 551. *Creditur Michaël animas corpore discedentes particulari judicio exercere, indeque est quòd cum statera & gladio depingitur, ut summa ejus potestas, justitiæque equalitas declaretur in nostris sive meritis sive demeritis expendendis, & hoc ipsum insinuare Ecclesia. Archangele Michael consti-*

tui te super omnes animas. S. Michael representet eas in lucem sanctam. Quare precemur cum S. Ildefonso, lib. de Virginit. B. M. c. 12. Oro te S. Angele per indissolubilem hereditatem fidei nostrae, per tuam hereditatis statum, per meam redemptionis mysterium, &c. Siquidem ut Bern. ferm. 1. de S. Michael. Nos, o B. Angeli, catelli sumus Domini illius quem tanto affectu diligitis, catelli inquam cupientes saturari de micis, quae cadunt de mensa Dominorum nostrorum, qui estis vos. Et haec dixerim Fratres, ut amplius de cetero erga Beatos Angelos fiduciam habeatis, ac proinde familiarius in omni necessitate vestra eorum invocetis auxilia. Et ferm. 21. in Pf. qui habitat. Quoties ergo gravissima cernitur urgere tentatio, & tribulatio vehementer imminere, invoca custodem tuum, Doctorem tuum, adiutorem tuum, in opportunitatibus, in tribulatione, inclama eum & dic. Domine salva nos, perimus.

In Festo S. Angeli Custodis.

Quia daemon ad infernum detrusus à DEO, odit DEUM, & quia illi nocere non potest, imaginem illius invadit, scilicet hominem, homo se non posset tueri, addit DEUS homini Angelum. Greg. *Bellum inter DEUM & daemonem est, sed materia belli homo.* Arma quibus nos oppugnat, sunt membra nostra, ideo Rom. 6. *Non exhibeatis membra vestra arma iniquitatis peccato,* & 1. Petr. 2. *Abstineatis à carnalibus desideriis quae militent adversus animam.* Angelus etiam nostris armis pugnat pro nobis, cui potius illa commodemus. Veniet profecto tempus quando Angeli canent tubis, & tum ad se eos colligent qui contra daemonem militarunt.

In Festo S. Francisci Seraphici.

Et si in verbis simplex fuerit S. Franciscus dum concionaretur

M 3

retur